

Tiroliro

Voz: Carlos Álvarez

Tradicional/Xabier Díaz/Guillermo Fernández

O papá arrolaba á nena,
cantáballe este cantar:
«Cala, miña nena, cala,
cala se queres calar».

Durme ben, miña neniña,
que o teu pai vai no mercado,
hache de traer as roscas
e un tiroliro furado.

Arrorró, meu amor, *arrorró*...
Arrorró, *arrorró*, meu amor,
Arrorró...

A miña nena pequena
heina de levar á feira,
por un pano de rosquillas
heina dar a quen a queira.

A miña nena pequena,
pequena do corazón,
heina de levar á feira
vendela nun patacón.

Arrorró, meu amor, *arrorró*...
Arrorró, *arrorró*, meu amor,
Arrorró...